

醫門法律

省中醫藥學會藏

編號 11-180 $\frac{3}{8}$

二卷中寒門方目

一附薑白通湯

二附薑湯

三附薑歸桂湯

四附薑歸桂參朮湯

五辛溫平補湯

六甘寒補氣湯

七桂枝湯加附子方

八真武湯

九芍藥甘草附子湯

十茯苓四逆湯

十一桂枝去芍藥加附子湯

十二乾薑附子湯

十三附子瀉心湯

十四甘草附子湯

十五四逆湯

十六通脈四逆加減湯

十七白通湯

十八白通加豬膽汁湯

十九附子湯

二十麻黃附子甘草湯

二十一白朮附子湯

二十二桂枝去芍藥加麻辛附子湯

二十三崔氏八味丸

二十四栝蒌瞿麥丸

二十五薏苡附子散

二十六烏頭赤石脂丸

二十七九痛丸

二十八附子粳米湯

二十九大建中湯

三十大烏頭煎

三十一大黃附子湯

三十二赤丸

三十四甜薑薑湯

三十五薑湯

三十六桂枝湯

三十七白朮湯

三十八黃芩湯

醫明法律卷之二

西昌喻昌嘉言甫著

黎川陳守誠伯常重梓

中寒門

論一首
律三條

法十三條
北類法六十九條

風寒暑濕燥火六氣分配手足各六經百病之生。莫不繇之。軒岐論列。要在於此。然原始上古經文。先師飭季貸所傳。每思洪荒初闢。結繩紀事。書從何來。豈光音天化生世界。蚤有天醫降下乎。抑仰求大自在天而得之乎。然則醫藥者。上天之載也。窮理盡性至命。首推醫學矣。去古漸遠。無階可丹。

日取內經讀之。其端緒或有或無。有者可求。無者將何求耶。君相二火。及燥氣未曾深及。卽寒之一氣。賴先聖張仲景。推演傷寒中寒爲二論。不知中寒論何以不入金匱之藏。至晉初卽無可搜求。并其弟子衛沈四逆三部厥經亦亡。從未有老醫宿學記載一語。晉人之淺於譚醫。豈待問哉。設使晉代仙醫許旌陽葛稚川之流。卽遡丹臺紫府。大自在天之藏。得其原論。亦未必爲當世之所好矣。昌旣尙論傷寒論。不揣凡駑。竊欲擬議仲景傳世之文。以窺見不傳之一班。後及內經之風熱著濕。并

燥火缺畧百病傳訛綿力任重老而不休志非不
苦但以從不見聞之說定爲率由坦道按劍而詫
不祥在所不免然十百中豈無二三知己取其大
關畧其小失乎見爲是者因其是暢發輿旨見爲
非者因其非另豎偉議總不肯安上世至今相沿
之黷汶而必欲耀之光明有仲景表章內經於前
有諸君子表章內經金匱於後昌於後輩中如雜
劇登場漫引其端要不謂非箇中人物也且昌數
十載寤寐誠求纔脫凡身必承提命此番公案尙
有待於再來云

陰病論

喻昌曰太極動而生陽。靜而生陰。陽動而不息。陰靜而有常。二氣交而人生。二氣分而人死。二氣偏而病起。二氣乖而病篤。聖神憂之。設爲醫藥。調其偏駁。使歸和平。而民壽已永。觀於生氣通天論中。論人身陽氣如天之與日。失其所。則折壽而不彰。是雖不言陰病。而陰病之機。宛然可識。但三皇之世。如春陽和。司令陰靜不擾。所以內經凡言陰病。但啓其端。弗竟其說。厥後國政乖訛。陽舒變爲陰慘。天之陽氣閉塞。地之陰氣冒明。冒明者。以陰濁而冒蔽陽明也。百川沸。

鷗山冢峯朋。高岸爲谷。深谷爲陵。詩言之矣。民病因
之橫天宏多。究莫識其所以橫天之故。漢末張仲景
著傷寒論十卷。治傳經陽病。著卒病論六卷。治暴卒
陰病。生民不幸。卒病論當世卽已失傳。豈非其時賢
士大夫。莫能深維其義。金匱玉函。置而弗收。其流布
民間者。悉罹兵火之厄耶。仲景已後。英賢輩出。從未
有闡揚其烈者。惟寒祇和於中寒一門。微有發明。誨
人以用附子乾薑爲急。亦可謂仲景之徒矣。然自有
醫藥以來。祇道其常。仲景兼言其變。咤而按劍勢所
必至。越千百年。祇和草澤一家之言。已不似仲景登

高之呼。況有丹溪節齋諸縉紳先生。多主貴陰賤陽。立說曰。陽道饒。陰道乏。曰。陽常有餘。陰常不足。曰。陰氣難成。易虧。故早衰。製爲補陰等丸。畸重乎陰。疇非至理。第於此道。依樣葫蘆。未具隻眼。然世醫莫不奉以爲宗。即使卒病論傳之至今。亦與傷寒論同其悠悠。汶汶也。已嗟乎。化日舒長。太平有象。亂離愁慘。殺運繁興。救時者。僅以貴陰賤陽爲政教。必國非其國。治病者。僅以貴陰賤陽爲藥石。必治乖其治矣。豈通論哉。昌尙論仲景傷寒論於凡陰病見端。當以同陽爲急者。一一表之。吾門已駸駸知所先矣。今欲升度

金鍼暢言底裏。易云。通乎晝夜之道。而知夫晝爲陽。羣陰莫不潛伏。夜爲陰。羣陰得以現形。諸鬼爲之夜食。一切山精水怪。揚氛吐燄。伎倆無窮。比雞鳴則盡隱矣。蓋雞鳴夜雖未央。而時則爲天之陽也。天之陽開。故長夜不至漫漫。而將旦也。陰病之不可方物。此見一斑。而誰爲燃犀之照也哉。佛說四百四病。地水火風各居百一。是則四百四病皆爲陰病矣。夫水火木金土在天成象。在地成形。原不獨畸於陰。然而五行皆附地而起。水附於地。而水中有火。火中有風。人所以假合成身。身所以相因致病。率稟四者。金性堅。

剛不受和合。故四大惟金不與。證無生者。必修西方。
佛土有繇然也。世人但知地氣靜而不擾。偶見地動。
便駭爲異。不知地氣小動則爲災。青大動則爲劫。厄。
劫厄之來。天地萬物。凡屬有形。同歸於壞。然地氣有。
時大動。而世界得不速壞者。則以玄天真武坐鎮北。
方。攝伏龍蛇。不使起陸。以故地動而水不動。水不動。
而水中之火。火中之風。自不動也。仲景於陰盛亡陽。
之證。必用真武湯以救逆者。非以此乎。至於戊亥混。
茫。亦非天翻地覆。互相混也。天原不混於地。迺地氣。
加天而混之耳。蓋地水火風四輪同時轟轉。雷轍冲。

射之威千百億道震盪於五天之中頃之攬毀太空
混爲一區而父母所生血肉之軀其陰病之慘烈又
當何如。禪宗有白浪滔天劫火洞然大千俱壞等語
豈非四大解散之時實有此象乎。究竟地氣之加於
天者止加於欲界色界等天不能加於無色界天所
以上入景中忉利天宮萬聖朝真兜率內院諸天聽
法各各身除中陰頂現圓光由此直接非想非非想
天而入佛界法界觀大千世界若掌中一粟矣。更何
劫運可加之耶。劫運所加之天至子而開陰氣下而
高。覆。始。露。至。丑。而。陰。氣。盡。返。於。地。而。太。空。始。廓。兩。儀。

分奠厥位。日月星辰麗乎天。華嶽河海附乎地。五天
之氣散佈於列曜。九地之氣會通乎山澤。以清以寧。
曰大曰廣。庶類以漸萌生。而天界隙中所餘暴悍濁
陰。動輒綿亘千萬丈。排空直墜。摧殘所生。靡有孑遺。
天開地闢以後。陰慘餘殃。尙若此。其可畏。必至寅而
駭。劣悉返冲。和天光下濟。地德上承。名木嘉卉。纍纍
垂實。光音天人。下食其果。不復昇舉。因得施生。乃至
繁衍而成天地人之三界也。此義關係人身性命。病
機安危。最宏最鉅。儒者且置。爲不論不議。醫者更蔑
聞矣。昌每見病者。陰邪橫發。上千清道。必顯畏寒腹

痛下利上嘔自汗淋漓肉瞶筋惕等證卽忙把住關
門行真武坐鎮之法不使龍雷升騰霄漢一遵仲景
已傳之祕其人獲安倘失此不治頃之濁陰從胸而
上入者咽喉腫痺舌脹暗突濁陰從背而上入者頸
筋大頭項若水轉盼渾身青紫而死謂非地氣加
天之劫厄乎惟是陡進附子乾薑純陽之藥亟驅陰
邪下從陰竅而出非與迅掃濁陰之氣還返地界同
義乎然必盡驅陽隙之陰不使少留乃得功收再造
非與一洗天界餘氛併返冲和同義乎會仲景意中
之法行之三十年治經百人凡遇藥到莫不生全雖

曰一時之權宜。卽擬爲經常之正法可也。醫學缺此。誠爲漏義。謹立鄙論。以開其端。後有作者。出其廣大。精微之蘊。是編或有可採云爾。

卒中寒者。陽微陰盛。最危最急之候。經曰。陰盛生內寒。因厥氣上逆。寒氣積於胸中而不泄。不泄則溢氣去。寒獨留。留則血凝。血凝則脉不通。其脉盛大以瀉。故中寒內經之言若此。今欲會仲景表章內經之意。敷陳一二。敢辭饒舌乎。

經旣言陰盛生內寒矣。又言故中寒者。豈非內寒先生外寒後中之耶。經旣言血凝脉不通矣。又言其脉